



KOMMUNALBESTYRELSIP ILEQQUUSUMIK
ATAATSIMIINNERA 08. august 2013 09.00

Peqataasut:

Ole Dorph	S
Jess Svane	S
Enok Sandgreen	S
Palle Jerimiassen	S
Jens Danielsen	S
Bernhardt Olsen	S
Kristian Broberg	S
Aron Eskildsen	S
Ole InûsutoK' Frederiksen	S
Jens Imanuelsen	S
Jørgen Kruse	S
Pia Nielsen	S
Bendt Broberg Kristiansen	IA
Peter Olsen	IA
Hans Aronsen	IA
Ane Hansen	IA
Jens Vetterlain	IA
Masauna Peary	A
Knud Kristiansen	A
Naja Petersen	A

Najuuttut:

Takkuttut/Tlf.-kut/Sinniisussat

Imaqarniortut: Lars Lennert Sandgreen / Thomas Wiemann

Immikkut aggersakkat: Qullersaqarfik

Ingerlanneqarnera: Ilulissat, telefonikkut ataatsimiinnertut

KOM	QULEQUTAQ	Tapil
13-1034	Sulianik nalimmassaaneq 2013	001
13-1035	Suliffeqangikkallarnermi napparsimanermilu ikiorssiissutinik misiligutaasumik qitiusumit tunniussisarnerup atuutilivitsinneqarnissa.	002
13-1036	Allaffissornikkut nutaamik aaqqissusseqqinnissamut oqallisssiamut tapiliussaq, innuttaasunik sullissivik.	003
13-1037	QaaSuitsup Kommuniani bundgarnersorneq pillugu ileqqoreqqusaq.	004
13-1038	Kommunit nakkutilliisoqarfianniit nalunaarusiaq	005
	Ilisimatitsissutit	
	Ilaasortat siunnersuataat ataatsimiittitaliani allattoqarfimiilluunniit suliareqqitassat	
	Ilaasortat apeqquteqaataat allattoqarfimmitt akisat	
	Oqaluuserisassani immikkoortut matoqqasut	

Sammisaq	Oqaluuserisassat akuerineqarnerat
----------	-----------------------------------

Aalajangiineq:

Oqaluuserisassat ilaasortat tamarmiusut akueraat, kisianni oqaluuserisassani imm. 13-1038 siullinngortinera allannguutaalluni.
--

Suliaq nr.	KOM 13-1034	Bilag nr.	001	Journal nr.	06.03.00
Samminaq	Sulianik nalimmassaaneq 2013				

Nassuaatsip naalisarnera

Kommunip aningaasaataasa tigoriaannaat inerartorneri 2013-imi suliassanut pisarialimmik nalimmassarneqartari-aqarpoq. Aningaasaqarnermut ataatsimiititaliap 10.juli 2013-imi ataatsimiinnermini aalajangerpaa ataatsimiititaliat ataavartut suliassaminnik nalimmassaanissaanik peqquniarlughit kommunalbestyrelsip 8.august 2013-imi ataatsimiinnissaq sioqquullugu. Aningaasaqarnermut ataatsimiititaliap ataavartumik ataatsimiititaliat suliat eqqartorsimavaat 5. august 2013, tamannalu toqqammavigalugu kommunalbestyrelsimit manna innersuut saqqummiullugu.

Suliap saqqummiunneqarnera

Ukiumut 2013-mut naatsorsutit inernerinik aqtsisoqarfip ilimagisai naapertorlughit ukiup sinneranut suliat nalimmassarneqassanngippata karsimi 22 mio. koruuninik nikingassuteqassapput. Karsimi taamatut niki-ngasoorneq ima paasineqassaaq: 31.december 2013-imi karsimiittutut 45 mio. koruuniunissaat naatsorsuutigi-neqarpoq. Ukiut siuliini misilitakkat takutippaat karsimiittutut 60 mio.koruuniunissaanik pisariaqartitsoqartartoq januarimiit qaammatit pingasut siullit aningaasartuutit matussutissaanik peqartoqartariaqartarmat

Aningaasaqarnermut ataatsimiititaliaq ulloq 10.juli ataatsimiinnermini taamattumik aalajangerpoq ataatsimiititaliat ataavartut 2013-imi naatsorsuutini kisitsisit ilmagisamit 15 mio. koruuninik nalilinnik suliassat nalimmassartari-aqaraat, ilanngussami takuneqarsinnaasutut, taamaalluni aningaasat tigoriaannaatit (karsimiittutut) ukiup naanerani +60 mio. koruuninngortinneqassapput +45 mio. koruuniunatik. Ataatsimiititaliat ataavartut killiffimminnik nassuaateqassapput. Taakku saniatigut atorfitt inuttalersorneqaqqittarneri ingerlaavartumik nalilersorneqassapput. Sanaartorneq eqqarsaatigalugu 2013-imut missingersuutini ikilisaqqittoqassanngilaq; ilanngussaaq 10.juli 2013-meersoq naapertorlugu.

Ataatsimiititaliat ataavartut tamanna tunngavigalugu maanna killiffimminnik nalunaarusiartik nassiussimalereer-paat, **immikkut ittumik aningaasaliissutissatut kissaatistik** aamma **allattuiffitik**, suliassat aalajangersimasut nalimmassarneqarsinnaasut siunnersuutaat tassani takuneqarsinnaapput. Allattuiffik 2012-imi naatsorsuutinik aamma 2013-imut missingersuutinik ima takussutissiarineqarpoq:

Konto	Allaaserinninneq	2012-mut naatsorsuutit	2013-mut missingersuutit	2013-imi inernerussatut ilmagisaq ulloq 10. juli 2013-mi	Allattaavik (immikkut ittumik aningaasaliissut+ suliat nalimmassakkat)	2013-mut missingersuutit + allattaavik
1	Allaffisorneq	183.094	174.091	181.179	20.290	194.381
2	Teknikeqarfik	50.155	49.157	51.927	2.770	51.927
3	Suliffissarsiuussisarfik	46.633	49.110	44.694	-2.000	47.110
4	Isumaginninneq	380.714	364.385	387.579	25.670	390.055
5	Kultur aamma ilinniartitaaneq	373.469	385.067	394.729	-3.922	381.145
6	Pilersuineq	8.434	3.955	4.706	751	4.706
Katillugit	Ingerlatsinermut aningaasartuutit	1.042.499	1.025.765	1.064.814	43.559	1.069.324
7	Sanaartorneq	45.739	44.500	41.005	0	44.500
Katillugit	Ingerlatsineq aamma sanaartornermut aningaasartuutit	1.088.238	1.070.265	1.105.819	43.559	1.113.824
8	Isertitat	-1.101.817	-1.115.286	-1.125.387	-10.101	-1.125.387
Katillugit	Killiffik sioqquullugu inernerit	-13.579	-45.021	-19.568	33.458	-11.563
9	Killiffik	-2.725	44.610	41.610	-3.000	41.610
Katillugit	Ukiumut naatsorsuutit inerner 1 – 9	-16.304	-411	22.042	30.458	30.047
9	Karsimiittut, aallartinnerani	50.744	67.048	67.048		67.048
Katillugit	Karsimiittutit, naanerani.	67.048	67.459	45.006		37.001

Allattuvimmi takuneqarsinnaapput ataatsimiititaliat atavaartut ataasiakkaarlutik immikkut ittumik aningaasaliiffi-gineqarnissaminnik kissaataat aamma suliat nalimmassarneqarnissaat, taakkulu ilanngussami takuneqarsinnaapput.

2013-mi naatsorsuutit inernissaatut ilmagisaq ataatsimiititaliat ataavartut suliassaminnik nalimmassaanerisa allattorneqareerneranni takuneqarsinnaavoq karsimiittutissatut ilmagisat -30.047.000 koruuniussasut, tamanna ima paasineqassaaq ukiup naanerani aningaasat tigoriaannaat +37.001.000,00 koruuniussasut. Aningaasaqarner-mut ataatsimiititaliap 10.juli 2013-imi ataatsimiinnermini aalajangiussannit 60 mio. koruuniusunit 22.999.000,00

koruuninit ikinnerussapput. Taamaattumik 23 mio. koruunit naliginut suliassat nalimmassaqqinnejarnissaat pisariaqarpoq.

Aningaasaqarnermut ataatsimiititaliap 5. august 2013 ataatsimiinnermini isumaqatigiipput suliaq kommunalbestyrelsemut saqqummiunneqassasoq 8. august 2013 atatsimiinnerani. Komunalbestyrelsip isummersoreerpat suliaq nangeqqinnejarsinnaavoq, ukiup sinneranutnaleqqussaaneq kiisalu 2014-mut missingersersuut eqqarsaatigalugu.

Sulisunik atuineq


Ataatsimiititaliat ataavartut suliassaminnik nalimmassaanerisa allattorsimaffianni atorfitt arlaannaanilluunniit atorunnaarsitsinissaq siuniunneqarsimangnilaq.

Siuinissami nalimmassaanissaq

Aningaasat tigoriaannaat pigineqarnissaat qulakkeerniarlugu aammaarluni nalimmassaasoqarnissaat pisariaqarpoq. Taamaattumik ataatsimiititaliat ataavartut nalimmassaaqqinnissaminnik piumaffigineqassapput; suliassat imaluunniit atorfitt pineqaraluarpatluunniit.

Aningaasat tigoriaannaat ineriantorneri – ilisimatitsissutitut

2013-imi aningaasat tigoriaannaat missingersuutaasimasunit pitsaanerusumik ineriantorput. Junip naanerani karsimiittuit 53.063.000 koruuniupput, missingersuutaasimasunit 21.958.000 koruuninit amerlanerupput. Aningaasat tigoriaannaat ukiuni kingullerni qaammammoortumik ineriantorneri uani aamma takuneqarsinnaapput:



Inassuteqaat:

Aningaasaqarnerup inissimanera aallaavigalugu Aningaasaqarnermut ataatsimiititaliap Kommunalbestyrelsimit inassutigaa uku akureequllugit:

- Ilanngussami immikkut ittumik aningaasaliissutissatut kissaatigisat aamma suliassat nalimmassarneqarnerisa allattorsimaffiat akuerineqassasoq
- Ataatsimiititaliat ataavartut aammaarlutik nalimmassaaqqinnissaminnik piumaffigineqassasut; 2013-imi ukiup sinneranut kiisalu 2014-imullu missingersuutit eqqarsaatigalugit.
- Aqtusisoqatigiit piumaffigineqassasut pisariaqartumik iliuuseqassasut aamma atorfinnik atorunnaarsitsinissaq eqqarsaatigalugu.

Aalaangiineq:

Inassuteqaat ilaasortat tamarmiusut akueraat, kommunalbetyrelsilli suliassatigut kr. 23 mill. nalinginut

nalimmassaasoqarnissaatinik kissaateqanera allannguutigitillugu.					
Suliq nr.	KOM 13-1035	Bilags nr.	002	Journal nr.	02.00
Qulequtaq	Suliffeqanngikkallarnermi napparsimanermilu ikorsiissutinik misiligutaasumik qitiusumit tunniussisarnerup atuutilivitsinnejarnissaa.				

Uteqqiineq:

Suliffeqanngikkallarnermi Napparsimanermilu ikorsiissutit tunniunneqartartut (arbejdsmarkedsydelser og sygedagpenge) konto 39-02-mi ukiumut 19-21 mio. kr. tungaanoortartut, sukangasuumik peqqussutilu malilliunnarlugit tunniunneqartarnissaat anguniarlugu siorna 2012-mi 1. novemberimiit ukioq manna junip naanissaanut misiligutaasumik qitiusumik immikkoortortaqarfeerannguaq Qeqertarsuarmi pilersinneqarpoq Diskobugti (Attumiit Saqqamut) Qaanaarlu ilanggullugu sullisisussaq.

Taamatut pilersitsinissamik aalajangerneq tunngaveqarpoq konto 39-02-mi atuineq annertooq nakkutigeqqissaarneqarluni aqunneqartillugu misilinnejassammatt, taamaaliornikkut konto-mi tassani ukiuni arlalinni annertuumik atuinerup kingunerisaanik konto 3-p iluani kontonit allaniit nussuinerit pereersut pinaveersaartinnissai qulakkeerniarsarineqarniarmata aammalu kommunimi ainingaasaqarniarnermut pitsangngorsaaqataanissaa, tassa uku tunniunneqartartut inatsisitigut pituttugaanerat pissutigalugu konto-mi tassani assut atuineruffiusarsimammatt.

Aamma ukiuni kingullerni arlalinngortuni Naatsorsuuserisut konto 39-02-mi tunniussisarsimanernut tunngavigineqartartut kukkunerit amerlavallaat pisarsimaneri uparuartortuarmatigik misilillugu Diskobugtimi illoqarfitt nunaqarfitt Qaanaarlu qitiusumit tunineqartalersinnejarpuit.

Suliap saqqumiunnera:

Maanna ukiup affaani misiliinerup naammassisimalernerani paasinarsivoq ikorsiissutinik tunniussisarnermi malittarisassat piffinni tamani assigiinngitsumik tunngaveqarluni arlalitsigut tunniunneqartarsimagaluartut maannali iluarsineqalersut.

Piffissaq misiliiffiusoq tamaat qaammatikkaartumik killiffissiuinerit ingerlanneqartarpuit. Killiffissiuinermi amerlanertigut suleriutsini aaqqitassat nalunaarusiami taakkartorneqarsimasut aaqqiivigineqarnissaat oqaluuserineqartarpuit.

Suliffeqanngikkallarnermi Napparsimanermilu Ikorsiissutit pillugit misiligutaasumik ingerlatsinerput naajartulersoq misiliinermi peqataasut tamarmiullutik naliliivigaat. Inerniliussarlu unaavoq; misiliinermi peqataasut tamarmik immikkoortortaqarfiup ataavartumik pilersinneqarnissa inassutigaat.

Taamatut suliffissarsiuussisarfinni sulisut innersuussinerminni pingaarnertut tunngavigaat, ulluinnarni suliassaminut piffissaqarnerulerlertik iluarismaaramikku, taamaalillutilu aamma suliffissaaleqisunik innuttaasunillumi allanik pisariaqartitsisunik ingerlariaqqitsitsiniaanissaminni aqqtissiuussinermut piffissaqarnerulerlutilu nukissaqarneruleramik.

Taamaattoq suli maannamut ingerlaqqinnissamilu suli suleriutsini assigiinngitsualunnik pitsangngorsaataasussanik eqaallisaataasussanillu iluarsisassaqarmat, naliliinermi uparuarneqartartut akisussaasuuusunit tusaatissatut tiguneqarlutik aaqqiiviginissaat maannangaaq sulissutigineqassapput.

Una misiliineq sullissinerinnakkut kommunetsinnut pitsangngoriaateqartitsinngilaq aammattaaq annertuumik konto 39-02-mi siornaakkunnut naleqqiullugu atuinermik appariaateqartitsivoq. Tassa majip naanerani takusinnaalereeratsigu siornamut naleqqiullugu atuineq 4,0 mio. kr. tungaanut appariaateqartoq, taamaalillunilu missingersuusiarineqarsimasunut qinnuteqaatigineqartaruartutigut qaffatsinneqartangngitsunulli 12-13 mio. kr.-iusunut naapertuunnerusumik atuisoqarsinnaanera pimoorullugu anguniarsarineqarluni. Ukioq manna maannamut, misiliinermi, inuit Diskobugtimeersut Qaanaameersullu 700-t missaat ikorsiissutinik pisartagaqartut immikkoortortaqarfimmiit sullinneqarput.

Sularineqarnera:

Uani misiliinerup naliliivigineqareernerata kingunerisaanik maanna suleriarneq tullinnguutitussanngortoq tassaassaaq uuma misiliilluni ingerlatap politikkikkut, ataatsimiititaliamit konto 3-mut akisussaasuuusumit, akuerineqarluni ataavartumik Qeqertarsuarmi pilersinneqarnissaata anguniarnissa, tamannalu piaarnerpaamik pissasoq neriuutigineqarpoq.

Immikkoortortaqarfiup pilersinneqarnissaak akuerineqariarpot Upernivik ilangngutissaaq, kingornalu Uummannap ilangngussinnaanera aamma periarfissaqarpoq. Taamaalippat suliffeqanngikkallarnermi napparsimanermilu

ikorsiissutit immikkoortortaqrifimmiit sullinneqartut 1.000-1.200 missaannilissapput.

Qulakkeerinninnginnermut tunngaviuvoq maanna qaammatini sisamanngortuni ikorsiissutinik tunniussisarnermi sullissisuusut ataatsimoorlutik inerartoqatigiinnertik suli ingerlammassuk, aammalu suli pisariaqarluni inerartoqatigiikkallarnissaat ilaatigut suleriutsini qulaajangassat tamakkerlugit qulaajarsimanissaat pingaaruteqarmat.

Taamaattumik uuma suliap naammassineqarnissaa anguniarlugu Inuussutissarsiornermut, Aatsitassanut, Takornariaqarnermullu Ataatsimiitaliamit aalajangerneqartussanngorlugu ingerlatinneqarpoq, tamatumalu kingorna Aningaasaqarnermut Ataatsimiitaliamut inassuseqaatitalerlugu ingerlateqqinnejassalluni.

Immikkoortortaqrifiup inuttalersugaanera:

- 1 afdelingsleder, arbejdsmarkedskonsulenttitut atorfeqareersoq aqutsisutut tapimik tunillugu.
- 1 Overassistent, atorfik nutaaq.

Inassuteqaat:

Inassuteqaatigineqarpoq qitiusumik allaffiup ataavartumik pilersinniarneqarnera akuerineqassasoq.

Ilanngussat:

Peqataasut tusarniaanermut akissutaat
Immikkoortortap naliliinera
Konto 39-02-mi aningaasatigut ineriertorsimanermit takussutissaq.

25.06.2013 IATA-mi aalajangiineq:

Suliap killiffia iluarismaarneqarpoq. Inassuteqaat akuerineqarpoq. Suliarlu ingerlaqqissasoq aaliagiiffiqeqarpoq.

Suliap Aningaasaqarnermut Ataatsimiitaliamut ingerlateqqinnejassalluni:

Suliap AA-mut ingerlateqqinnejassalluni annerpaamik tunngaveqarpoq immikkoortortaqrifimmi pilersinneqartussami sulisut inissiterneqarnerata akuerineqarnerata pisortatigoortumik naqissuserneqarnissaanik, tamanna sulisut pineqartillugit malittarisassatigut piumasaqaataammat.

Uani immikkoortortaqrifimmi pilersinneqartussami sulisut marluussapput, ima atorfeqartussat;

- Afdelingsleder, Qeqertarsuarmi Piareersarfimmi arbejdsmarkedskonsulenttitut atorfeqareersoq immikkoortortamut pilersinneqartumut taamatut atorfeqaannarluni aqutsisunngorlunili nuuinnassaaq, maanna akissarsiariami saniatigut aqutsisutut tapimik tunineqaaannarluni.
- Overassistent, atorfik nutaaq. Atorfik kommunep iluani inuttassarsiorneqassaaq. Atorfik pilersinneqartoq ingerlatsivimmi immikkoortortaqrifin arlalinnit aningaasaliiffiqeqarluni pilersinneqassaaq.
- Atorfiiq qulaani taaneqartut kingunerisaannik nalimmassaaneq ilanngullugu una qinnuteqaatigineqarpoq;
- Aqqutissiuussisutut/Vejlederitut atorfik nutaaq. Qeqertarsuarmi Piareersarfimmi arbejdsmarkedskonsulentiusup AMKY-mut nuunneqarnerata kingunerisaannik vejlederitut atorfiup pilersinneqarnissa ilanngullugu qinnuteqaatigineqarpoq. Vejlederimik atorfinititsisoqareerpat overassistenttitut atorfik piusoq imminermini atorunnaarsinneqassaaq, taamaalilluni maanna o.ass.-itut atorfeqartup vejlederitut atorfinititsineqarnissa siunertaaginnarluni.

Nalimmassaaneq kommunemut aningaasartuuteqarnerulernermik kinguneqassanngilaq, aningaasartuutit tamarmik konto 3-p iluaniit matussuserneqassammata.

Inassuteqaat:

Inassuteqaatigineqarpoq qitiusumik allaffiup ataavartumik pilersinniarneqarnera akuerineqassasoq, taamaalilluni sulisutigut nalimmassaaneq siunniunneqartoq pisinnaaqquillugu.

Ilanngussat:

Peqataasut ataatsimut naliliinerannit imaqarniliaq.

Immikkoortortap naliliinera.

Peqataasut tusarniaanermut akissutaat.

Konto 39-02-mi aningaasatigut ineriertorsimanermit takussutissaq.

IATA 25.06.2013 akuersineranit imaqarniliaq.

Aalajangiineq:**Tamanit akuerineqarpoq.**

Suliaq nr.	KOM 13-1036	Bilag nr.	003	Journal nr.	02.00
Qulequtaq	Allaffissornikkut nutaamik aaqqissuusseqqinnissamut oqallisssiamut tapiliussaq, innuttaasunik sullissivik.				

Naalisaaneq:

2009-imi januarip 1-ani kommunit kattussuunneranni, allaffissornikkut nutaamik aaqqissuussisoqarpoq. Qullersaqarnikkut nutarterisoqarnerata saniatigut kommunit sisamaasut akornanni isumaqtigiis-sutaasumik fagchefitut atorfiit arlallit pilersinnejarpuit. Taakkua illoqarfinni ingerlatsiviit pisortaannut arlaliusunut taartigitinneqarput. Illoqarfingisami sullissinerit sullissivinni immikkoortortaniillu arlaliusunit ingerlanneqalerluni fagchefimut suliatigut aningaasaqarnikkullu tunngasutigut attaveqartinneqarlutik. Aaqqissuussaanerup taamatut aalajangiiffigineqarneranut siunertaavooq, pisinnaatitaaffitsigut pilersaarusiortarnerup suleriaasissallu sularineqartarnerisa kommunimi sumiikkaluaraanniluunniit kommunini innuttaasunik sullissinikkut assigiissaartumik ingerlatsisoqalernissaa.

Assigiissaartumilli sullisseriaaseqarnissamut naleqqussaanerup ingerlanneqarnera 2009-imi takor-loorneqartumiit ajornakusoornerusimavoq. Aningaasaqarnermut ataatsimiitaliap communalbestyrelsillu kommunip aaqqissuussaaneranik naliersuisoqarnissaa 2011-imi kissaatigisimavaat, innuttaasunik sullissinerup pitsaassusaata allaffissornikkullu aaqqissuusseqqinnerup naliersuiffingineqarnissaa siunertalarugu. Naliersuinerlu tamanna 2011-imi majimi aallartinneqarpoq maannalu misissuinerup inernerri aaqqissuussaanikkullu nutartereqqitoqarnissaanut pisortat /innuttaasunik sullissiviit akornanni akisussaaffinnik agguataarinissamut oqallisssiaq naammassineqarluni.

Aningaasaqarnermut ataatsimiitaliap 2011-imi septemberip 19-ani ataatsimiinnermini kommunimik aqutsineq nunap immikkoortuinut marlunnut avinneqassasoq aalajangiiffigaa. Maannakkullu aningaasaqarnikkut allaffissornikkullu inissisimaneq tunngavigalugu aaqqissuussaanerup ataqtigisagaanera allaffissornermiit allannguiteqartinneqarnialerpoq. Aalajagerneqarsimavoq allaffissornikkut marloqiusamik avitsilluni aqutsisoqassasoq. Maannakkut aningaasaqarneq allaffissornerlu eqqarsaati-galugit aaqqissuussinermut iluarsiissummik sanasoqarpoq.

Suliap saqqummiunneqarnera:

Innultaasunik sullissinerup aaqqissuuteqqinnejarnissaa pillugu suliaq qullersat oqallisigereerpaat. Isumaqtaroqarlunilu allaffissornikkut aningaasaqarnikkullu ungasianiik marloqiusamik ingerlatsinissaq aqutsisoqarnikkut ingerlatsinermi aaqqiivigineqarnissaa naleqqutinngitsoq. Innultaasunik sullissivinni aqutsisunut illoqarfinnilu allaffissornermi annerusumik akisussaaffiliineq, innultaasup najugarisaani innultaasunik sullissinerup pitsaunerullunilu aalaakkaanerulernissaanut qularnaannerussaaq. Tamannalu aaqqissuussaanikkut annikitsuinnarmik allannguinerussalluni. Aningaasaqarnermut sullissivinni suliat ataatsimoortinnejarnierisa pitsaasumik ingerlariaaseqarnerat attatiinnarneqassaaq, tamatumanilu innultaasunik sullissivinni innultaasunik sullissiarneq suli aallulluarneqarnerulerluni.

Aaqqissuussaanerup allannguutissaa:

Atuutsinneqartunut taarsiullugu Aasianni Uummannamilu aningaasaqarnermut sullissiviit marluk pilersinnejassapput suliat sularineqartarneri taakkunani ataatsimoortinnejqalerlutik. Missingersuutilerisarnermi akisussaaffik pisinnaatitaaffiliisarnerillu maannakkutuut immikkoortunut marlunnut avissaangajunnaartillugit. Sulianik aqutsineq, nalunaarusiortarneq misilitakkaniillu ketersisarneq soorluttaaq aamma avitseqatigiittarneq Innultaasunik Sullissivinni aqutsisuniilissaaq. Aningaasaqarnermut sullissivimmi aqutsisup immikkoorttamini sulisoqarnermut tunngasut taamaallaat isumagisarilis-sallugit.

Eeqaavilerineq anartarfilerinerlu – Ilanngunnermut taamaatitsinermullu nalunaaruteqartarnerit Sullissivinniiginnassapput, kisianni winformatikkimut nalunaarsuineq Uummannami Aningaasaqarner-

mut Sullissivimmi suliarineqartassalluni.

A-bidraginik – Qinnuteqartarneq Sullissivimmiiginnassaaq, kisianni sullisineq Aasianni Aningaasaqarnermut Sullissivik suliarineqartassalluni.

Piniarnermut Aalisarnermullu – tunngasunut saaffiginnittarneq sullisisarnerlu Sullissivimmiiginnassapput. Allannguuqebaratik taamaattorli, illumi suleriaatsit Namminersornerusullunillu suleqateqarneq pitsangorsaavagineqarsinnaapput.

Pisortanit ikorsiisarneq suliffissarsiuussisarfimmillu sullisisarnerit – Pisortanit ikorsiissutinik pisartagaqalernissamut qinnuteqartarneq Sullissivimmiiginnassaaq.

Pisortanit ikorsiissutinut tunngatillugu sullissinermi:


- nunaqarfiit Aasianni Aningaasaqarnermut Sullissivimmi sullinneqartassapput
- illoqarfinni Sullissivinni Isumaginninnermi allaffinni sullinneqartassapput

Qullersaqarfiup allattoqarfiata Sullissiviillu suliassaqarfiit ukua isumagisarilissavaat:

1. Illoqarfinni ingerlatsinermut, missingersuutinut sulisunullu akisussaaffit.
2. Kommunini sulisoqarnikkut politikkip atuutsinneqarnera.
3. Qullersaniit suleriaasissat innersuussutaasut fagchefinit malinnejarnissaasa qularnaarnissaat.

Aqqissuussaanerup allanngortinneqarnera ataani titartaganngorlugu takussutissiarineqarpoq:

Aqqissuussaanikkut ilulissaq
nutaaq



Aqqissuussinermi siunertaavoq, sullissiviit toqqaannartumik innuttaasunut attaveqartarnissaat, paasissutissanik tigooraasarnissaat aalajangiinissanullu tunngaviliillutik. Suliani erngertumik sularisarialinni, suliat sullissivinni aalajangiivigineqartarlutik.

Suliassani najukkami aalajangiinissamut pisinnaatitaaffeqarfinginngisani Qullersaqarfiup allattoqarfia suliap iliuuseqarfinginissaanut pisinnaatitaaffeqarpoq, kiisalu Sullissiviit illoqarfinni sulisoqarnermut missingersuutinullu tunngasunut akisussaallutik.

Aningasaqarnermut Sullissiviit Aasianni Uummannamilu inissimassapput. Illoqarfinni taakkunani tamani Innuttaasunik Sullissivinni aqutsisoqassaaq, Innuttaasunut Sullissivimmut akisussaasunik.

Sullissivik	Aningaasaqarnermut Sullissivik	Atorfilitat	Qullersaqarfik	
- Saaffiginnittarfik	- Isumaginninner mi allaffik - Suliffissarsiuussi sarfik - Teknikkeqarner mut allaffik - Piniarnermut Aalisarnermullu allaffik	- Aasiaat - Uummannaq	- Naatsorsuuse rivik - Akissarsialer ivik - allallu	
Sullissiviit saaffiginnittarfinit innuttaasunik toqqaannartumik sullissinermut tunngassutilit inisisimassapput. Tassani sullissingsasuarsinnaanerit suliannillu piareersaanerit pisassapput.	Sullissivinni allaffiit ikiorsiisarnemik sulianik najugarisami suliarineqartussat Aningaasaqarnermullu sullissivimmut ingerlatitassatut naleqqutinngitsut isumagineqartassapput.	Aningaasaqarnermullu allattoqarfiiit ikiorsiisarnerni sullissinerit isumagissavaat, taamaaliornikkut iluaqutaasumik suliassaqarfimmik tamatuminnga qitiusunngors-aasoqarsinnaalluni.	- Naatsorsuuserineq -innuttaasup kontoanut nuussisarnerit - allallu.	Qullersaqarfipp suliassat toqqaannartumik innuttaasunut attuumassuteq artut ingerlattassangilai

Aaqqissuussaanermik allannguinikkut allaffissornikkut suliassat arlaqartut Sullissivinniit Aningaasaqarnermut Sullissivimmut imaluunniit Qullersaqarfip allattoqarfianut nuunneqassapput. Taamaaliornikkut najugarisami sullissivinni innuttaasunik sullissinikkut pitsangorsaanerit aallulluarneqarnerulissapput, suliassat sukkannerusumik suliarineqartarlutik aammalu suliad nukinginnartut qularnaannerusumik aalajangiivigineqarsinnaalerlutik.

Aammattaaq kommunimut attavissaq ataasiinnaatillugu sumiluunniit najugaqaraluaraanni assigiimmik sullinneqarnissaq taamaaliornikkut qulakkeerneqassaaq.

Aningaasatigut kingunerisassat:

Innuttaasunik sullissinerup aaqqissuuteqqinnejneratigut ilimagineqarpoq tamanna kommunimut ukiumut 1,0 mill. sipaarutaalersinnaassasoq. Sipaarutigineqarsinnaasut sullissivinni assigiissaarnerusumik sulisoqalernikkut kiisalu fagchefitut atorfiiut marluk allatut inissinneqarnerisigut illoqarfinnilu kingusinnerusukkut atorfinnik suleriaatsinillu naleqqussaanikkut anguneqarsinnaapput. Suleriaatsinik pisariillisaanikkut aaqqissuussaanikkullu pissutsinut ajornannginnerusumik appakaassinnaalernissaq anguneqassaaq suliallu aalajangiiffiginissaannut utaqqissarnermut sivikinnerulersitsissalluni.

Inassuteqaat:

Allattoqarfiup inassuteqaatigaa,

- **Allaffissornikkut allannguinissamut oqallisissiaq aningaasaqarnermut ataatsimiititaliap akuerissagaa.**

Najoqquassatut ilanngussat:

1. Nalunaarusiaq

Aalajangiineq:

Suliaq Tamat oqartussaaqataaneraannut, Innuttaasunik sullissinermut, Attaveqaqtigiiinnermut Attaveqaatinullu ataatsimiititaliamut sularisassanngortinnejnerpoq.

Suliap nr.	KOM 13-1037	Tapil. nr.	003	Journal nr.	75.20
Sammisaq	Qaasuitsup Kommuniani bundgarnersorneq pillugu ileqqoreqqusaq.				

uteqqiineq:

Qaasuitsup Kommuniani bundgarnersorneq pillugu ileqqoreqqusassatut siunnersuut 23. November 2011 kommunalbestyrelsip akueralugu suliarivaa.

Suliap saqqummiunnera:

Kommuunimi ileqqoreqqusassaq pillugu ukioq 2011-mi aalisartut peqatigiiffii / kattuffii tusarniaavigineqareerlutik ileqqoreqqusassatut siunnersuut kommunalbestyrelse-mut suliassanngortinneqarpoq ulloq 23. November 2011, suliap nr. KOM 11-054-tut atserlugu.

Ileqqoreqqusassatut siunnersuut kommunalbestyrelsimit akuerineqarluni atsiornilerlugu naalakkersuisoqarfimmut nassiuinneqarpoq.

Kommunalbestyrelsip ileqqoreqqusassatut siunnersuut akuerissutigisaa naalakkersuisoqarfimmi inatsisilerituunit misissoqqissaarneqareerluni ukioq manna Qaasuitsup Kommunianut utertippaa suliareqqitassanngorlugu.

Ileqqoreqqusassatut siunnersuutip paragraffikkartumik suliarineqarnerani isumaa allanngortinngikka-luarlugit oqaaseqatigiit allanngortiterneqarput oqaasilerituut siunnersuutaat malillugit.

Allanngortinneqartut:

- Qulaani inatsisit aallaaviusut tamakkerlugin allanneqarput.
- § 1, imm. 1. Oqaaseqatigiit allanngortinneqarput.
- § 2, imm. 1. Oqaaseqatigiit allanngortinneqarput.
- § 3. Oqaaseqatigiit allanngortinneqarput.
- § 4. Oqaaseqatigiit allanngortinneqarput.
- § 6 imm. 1. Oqaaseqatigiit allanngortinneqarput.
- § 6 imm. 2. Pilersinneqarpoq.
- § 7 imm. 2. Oqaaseqatigiit allanngortinneqarput.

Inatsisitigut tunngavissat:

Inatsisartut aalisarneq pillugu inatsisaat nr. 18, 31. oktober 1996, § 23 imm. 2, § 33 imm. 2 aamma § 34 imm. 3, aalisarnermut inatsisip Inatsisartut inatsisaat nr. 12, 3. december aqqutigalugu allanngortinngikka-qartoq.

Kingunissai:

Qaasuitsup kommuniani innuttaasut assigiimmik malitassaqalernerat aalisarnermilu assigiissaarineq.

Aningaasatigut kingunissai:

Kingunissaqanngilaq.

suliarineqarnera:

2011-mi aalisarnermut piniarnermullu ataatsimiititaliamit suliarineqarpoq.

Inassuteqaat:

Suliap siullermeerluni suliarineqarnerani ileqqoreqqusassatut siunnersuutigineqartup akuerineqarnera naapertorlugu oqaaseqatigiit allanngortinneqarneri aamma paragraffit allannguutaat ilangullugit akuerineqarnissa inassutigineqarpoq.

Ilanngussat:

Aalajangiineq:

Tamanit akuerineqarpoq.

Suliap nr.	KOM 13-1038	Tapil. nr.	004	Journal nr.	75.20
Sammisaq	Kommunit nakkutilliisoqarfianiit nalunaarusiaq				

Uteqqiineq

Nalunaarusiaq ilanngunneqarpoq atuagassanngorlugu.

Aalajangiineq:

Nalunaarusiaq ataatsimiinnermi saqqummiunneqarpoq tusaatissatullu tiguneqarluni.

Ilisimatitsissutit:

Ilaasortat siunnersuataat ataatsimiittitaliani allaffissornikkulluulluunniit suliareqqitat.

Kommunalbestyrelsimit ilaasortaq Sakio Fleischer siunnersuuteqarpoq.

Umiatsiliveqarneq

Kommunalbestyrelsip ataatsimiinnissaani 8. august 2013 siunnersuutingaara Uummannaq illoqarfiani umiatsiliveqarfiata pitsangorsarneqarnissaa. Uummannamik nalunninngitsut ilisimavaat Uummannaami umiatsiliveqarneq qanoq ajornartorsiutaatigisoq, sila anorlerajuleraangat umiatsiat malliortualersput taamaalillutillu annertuumik angallatit imminnut kallussaatilaraangata aserortajaarnerit pisarlutik, ilaatigut aamma oqaatigineqartariaqartoq unaavoq, ukiuni kingullerni silaannaap allanngoriartornerata nassatarisaanik iluliarsuit angisuit umiarsualivik saangertapaa ikkarlinnerminnillu aserorlutik annertuumik angallatinik aserortajaarisaalernikuullutik.

Siunnersuut:

Kangerloqqissup paavatungaata milinnejqarsinnaanerata misissorneqarnissaanik, taamaalilluni puttasulersuinikkut umiatsiat arlariit malimmit akornusersorneratik inissimalersinnaapput, aammalu ilulissat aserornerinini angallatit aserortajaarnissaat pinngitsoorsinnaallutik. Kangerloqqissup paavatungaata heliport ataaniit ikkarlummut sapuserneqarsinnaanera misissorneqarnissa siunnersuutingaara.

Kommunalbestyrelsimit ilaasortaq Sakio Fleischer siunnersuuteqarpoq.

Eqqaaveqarneq/Ikuallaavik

Kommunalbestyrelsip ataatsimiinnissaani 8. august 2013 siunnersuutingaara Uummannaq illoqarfiani eqqaavissuup iluarsiivigineqarnissaa. Maannamut illoqarfitsinni ajornartorsiutaasup annertooq oqaatigineqartariartoq tassaasoq eqqaavissuaq. Ukiuni arlalinni eqqaavissuup ikuallanneqartarnerani pujoq annertooq illoqarfimmumt siaruaattarpoq ajornartorsiutaalersarluni annertuumik. Pingaartumik imeqarfitta tungaanut pujoq ingerlaartuartillugu imeqarfik annertuumik migutsinneqalersarpoq, paasisallu kingullit imeqarfitta kuldioxid akuata killissarititaa angungajalersimallugu. Tamanna ilaatigut Uummannaami nakorsamik misissorneqarsimavoq, peqqissuttsimut akornutaalersinnaanera aammalu imeqarfik ulorianartorsiortsinnejqartoq aaqqivinginiarlugu missiusoqartariaqarpoq.

Siunnersuut:

Eqqaavissuup aaqqivigineqarnissaanik matumuuna siunnersuuteqarpoq, ilaatigut Namminersorlutik Oqartussat peqatingalugit misissuisoqartariaqartoq, immaqa ikuallaaviliortoqarsinnaanera allatigulluunniit aaqqivineqarnissa qulaarlugu misissortariaqarpoq. Akuersaaginarneqarsinnaanngilaq eqqaavissuaq illoqarfimmumt aammalu imeqarfimmumt migutsitsinera.

Kommunalbestyrelsimit ilaasortaq Sakio Fleischer siunnersuuteqarpoq.

Anartarfegarneq.

Kommunalbestyrelsip ataatsimiinnissaani 8. august 2013 siunnersuutingaara Uummannaq eqqaanilu arnartarfegarnertigut misissuisosoqarnissaanik. Ulloq manna tikillugu anartarfinnik aniterineq anartarfiiit spanditaanik aniterisut illunut iseqattaarnikkut ingerlattarpaat, tamannalu ullumikkut pissutsit taamaattut akuersaarneqaannarsinnaajunnaarlutik. Sulisut aaqqatitik peqqarnagait matut tigummivii tigusarpaat naak anartarfinnut imaakkaminut atortaaraluarlugit, taamaalillunilu anitsereinerup kingorna inuit matut tigummivii tigusarlugit. Peqqinissaq eqqarsaatigalugu aammalu ullumikkut TB-ip nappaatillu allat pinaveersaartinnererannut akerliulluinnarpoq. Ilanngullugu eqqaaniarpala arnartarfilerissutit maanna Uummannaq illoqarfiani atorneqartartut ima aserfallalluin-narsimatigilerput, saneraani kueraavik ima ussiitigilersimavoq allaat ukiukkut apummi takuneqarsin-naasarluni annertuumik aqqusinikkut kuunnerat, tamanna akuersaarneqarsinnaanngilluinnarpoq.

Siunnersuut:

Uummannaq eqqaanilu arnarfitsigut pitsaanngorsaanissaq siunertalaralugu misissuisoqarnissa

matumuuna siunnersuutingaara, ilaatigut anartarfiit kuuinnartut, kuuffilersuinerit aammalu pisariaqarpat tankinik illunut imminut qanittunut pilersuisinnaaneq eqqarsaatingalugu. Ajornartorsiuq annertooq qimanneqassappat misissuititsinissaq pisariaqarluinnarpoq.

Ilaasortat apeqquteqaataat allaffissornikkut akisat.

Atsiorfissaq:

Ole Dorph

Jess Svane

Enok Sandgreen

Palle Jerimiassen

Jens Danielsen

Bernhardt Olsen

Kristian Broberg

Aron Eskildsen

Ole InûsutoK' Frederiksen

Jens Imanuelsen

Jørgen Kruse

Pia Nielsen

Bendt Broberg Kristiansen

Peter Olsen

Hans Aronsen

Ane Hansen

Jens Vetterlain

Masauna Peary

Knud Kristiansen

Naja Petersen
